

Sebija Izetbegović

Zastupnica u Skupštini Kantona Sarajevo

Faruk Selmanović

zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r predsjedavajućeg Skupštine Kantona Sarajevo

Uputiti: Ministarstvo za rad, socijalnu politiku, raseljena lica i izbjeglice Kantona Sarajevo
Ministarstvo finansija Kantona Sarajevo, KJU Gerontološki centar Sarajevo

ZASTUPNIČKA INICIJATIVA

Predmet: Inicijativa za hitnu isplatu plaća radnicima KJU Gerontološki centar Sarajevo i utvrđivanje odgovornosti za nastalu situaciju

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom zahtijevam da **Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo HITNO osiguraju sredstva i izvrše isplatu plaća radnicima KJU Gerontološki centar Sarajevo za mjesec april 2026. godine.**

Također, tražim da se izvrši detaljna analiza i utvrdi odgovornost za nastalu situaciju, imajući u vidu informacije iznesene tokom **II nastavka 27. redovne sjednice Skupštine Kantona Sarajevo održane 27.04.2026. godine**, kada je direktor KJU Gerontološki centar Sarajevo u svom izlaganju iznio niz informacija koje se sada, prema dostupnim podacima, pokazuju kao netačne, nepotpune ili neblagovremene, na šta smo tokom same sjednice upozoravali.

Prijedlog mjera

S tim u vezi predlažem da nadležne institucije:

1. HITNO izvrše isplatu zaostalih plaća radnicima KJU Gerontološki centar Sarajevo.
2. Utvrde razloge zbog kojih je došlo do neisplaćivanja plaća radnicima ove ustanove.
3. Izvrše provjeru informacija prezentovanih Skupštini Kantona Sarajevo od strane direktora ustanove tokom sjednice održane 27.04.2026. godine.
4. Utvrde da li je Skupština Kantona Sarajevo blagovremeno i tačno informisana o finansijskom stanju ustanove i eventualnim problemima u funkcionisanju.
5. Poduzmu mjere kako bi se spriječilo ponavljanje ovakvih situacija u budućnosti.

Obrazloženje

Radnici KJU Gerontološki centar Sarajevo svakodnevno brinu o ukupno 355 korisnika, uključujući i korisnike prihvatne stanice, pri čemu se dnevno obavi blizu 170 presvlačenja nepokretnih i teško bolesnih korisnika.

Radi se o izuzetno zahtjevnom i odgovornom poslu, koji podrazumijeva konstantnu brigu o starim, bolesnim i nepokretnim osobama, te je nedopustivo da radnici ustanove koja brine o jednoj od najosjetljivijih kategorija stanovništva ostanu bez zarađene plaće.

Posebno zabrinjava činjenica da su tokom rasprave na sjednici Skupštine Kantona Sarajevo iznesene informacije koje se sada dovode u pitanje, što dodatno otvara sumnju da Skupština i javnost nisu pravovremeno i potpuno informisani o stvarnom stanju u ustanovi.

Neisplata plaća radnicima koji svakodnevno obavljaju fizički i psihički izuzetno težak posao predstavlja ozbiljan institucionalni propust i pokazatelj neodgovornog odnosa prema radnicima i korisnicima ove ustanove.

Cijeneći navedeno, smatramo da je neophodno hitno djelovanje nadležnih institucija kako bi se zaštitili i radnici i korisnici Gerontološkog centra Sarajevo.

Molimo da nadležne institucije razmotre ovu inicijativu i o poduzetim aktivnostima informišu Skupštinu Kantona Sarajevo.

S poštovanjem,

Sebija Izetbegović

zastupnica u Skupštini Kantona Sarajevo

Faruk Selmanović

zastupnik u Skupštini Kantona Sarajevo